

KATUEN TESTAMENTUA (**)

Hil da, hil da
gure katua,
egin dau, egin dau
testamentua:
amumarentzako, amumarentzako
hankak eta burua,
aititarentzako, aititarentzako
abarkak egiteko narrua.
Mantxonirentzako, Mantxonirentzako
tripa-barrua,
horixe dala, horixe dala
katuaren testamentua.

AXUN KLA, KLA (**)

Axun, kla, kla,
axun, kla, kla,
Josepa Antoni brujea,
legatza ostu dabe
Leon Pepenetik.

Legatza ostu dabe
Leon Pepenetik,
Mari mutrikuarra
begira dabil.

Ortuan perejila
saleroan gatza,
atera platerera
jan daigan legatza.

MARITXU TELLETUKO (*)

Maritxu Teilatuko
gona gorriduna
eutsi hagin zaharra ta
ekarri barria.

LASTOZKO ZUBIXE (***)

Jontxuk egin ei eban
lastozko zubia,
handixek pasateko
Loretzu txikia.

Hasi zan pasaten da
jausi zan zubia,
Jontxuk hartu ei eban
sentimentu handia.

Lorek egin ei eban.....
.....
Adolfo txikia.

KUKU MIKU (*)

Kuku miku kañola
kainaberea larrosa,
Pitxoke ta Pitxote
jaunak nora zoazte
kalean gora
kalean behera,
biribiltxua alkate.
Eskuan daukat hazia
poltsan urregorria
amumatxuak balekia
aterako leistake begia.



TXINKIRRIKIXIN (*)

-Txinkirrikixin-
atzo nintzen Bilbora
-txinkirrikixin-
tomate berdetan.
-Txinkirrikixin-
Bilbora noa
-txinkirrikixin-
zer egiten?
-Txinkirrikixin-
amantaltxo bat
-txinkirrikixin-
erosten.

-Txinkirrikixin-
atzo nintzen Bilbora,
-txinkirrikixin-
tomate berdetan.
-Txinkirrikixin-
Bilbora nora
-txinkirrikixin-
zer egiten?
-Txinkirrikixin-
makailautxoa
-txinkirrikixin-
ekarten.

ZENBAT DIRAN HAMAR DIRAN (*)

Zenbat diran hamar diran
zenbat diran ikusi,
oilua kakarietan
oilarrari ikasten,
txakurtxua josten eta
arratoitxua labretan,
txindurria garietan,
kakalardua laietan,
eperra nabotzan,
idia dantzan,
astoa danbolin jotzen
honen erdi-erdian dago
zorria barrez itotzen.

A, E, I, O, U (***)

A, e, i, o, u,
ama meriendea behar dogu,
arrautze bi ta koipetsu,
aita etorri orduko dana jango dogu.

A, e, i, o, u,
ama meriendea behar dogu
txokolate ta opiltxu
bestela eskolan ikasiko ez dogu.

A, e, i, o, u,
ama meriendea behar dogu
baso esne ta pasteltxu
ha janda be ondino gehiago gura dogu.

oskorri

Katuen testamentua



LOGURE NAZ (*)

Logura naz ta lokalde
gure oilarrak jo dabe,
gure oilarrak jo dabe baina
ni nau ondino logura.

MARI ANDRESAN KOROTZA (**)

Mari Andresaren
Mari Andresaren
korotza,
zazpi libra ta
zazpi libra ta
bost ontza.
Harek egiten dau
harek egiten dau
demasa:
epel-epel,
lodi-lodi,
punta motza,
epel-epel,
lodi-lodi,
punta motza.



AITITE TA AMAMA (**)

Aitita ta amama
egurretan dira,
azkorea galduta
hasarratu dira.
Aititak amamari
gonetatik tira
amamak aititari
praketatik tira.
Tira ta tira
alkarrenak dira
tira ta tira
konponduko dira.
Tiratu ta tiratu
prakaharrak apurtu.

Aitita ta amama
egurretan dira
azkorea galduta
hasarratu dira.
Aititak amamari
kopetatik tira
amamak aititari
belarritik tira.
Tira ta tira
alkarrenak dira
tira ta tira
konponduko dira.
Tiratu ta tiratu
belarriak gorritu.

ARDIAREN KANTA (***)

Entzun gura badozu
ardiaren kantarik -jai, jai!-
erdu eze hona ta
esango deusut nik.

Dauka barriz piku bat
ardi pikaroak -jai, jai!-
jostorrazt minen-minena
baino okerragoa.

Nahi dabenean sartzeko
nahi daben lekutik -jai, jai!-
distingidu bagarik
pobre-aberatsik.

Ardia atrapetako
ezkerreko aldian -jai, jai!-
eskumea sartzen da
gona-manerean.

Arrapatzen dauanean
entero dago poz -poz, poz!-
hiltzeko mahai ganean
atzamarrakin: kraus!

KANUTO (**)

Egun baten Kanuto kalera joan zan, karriak zapalduta etxera joan zan.

Amak esan ei *eutsan* lotara joateko, atzera kontestau *eutsan* ez dot nahi amatxo.

Kanuto Zizilindro, zilindro, Zilindro, Kanuto Zizilindro... pux! pux! pux!

DIN DAN, NOR HIL DA? (*)

–Din dan, nor hil da?
–Peru zapataria.
–Zer egin dau pekatu?
–Auzoko txakurra urkatu teilatu ganean sikatu.
–Hori baino ez badau egin beharko jako parkatu.

–Din dan, nor hil da?
–Peru zapataria, daroiela eleizara kakarraldoak bildurto. Haren emazte koittaduak hamar maradi pagatu. Hori baino ez badau egin beharko jako parkatu.

JOSEPA ANTONI (*)

Josepa Antoni, koloregorri kapitan baten alaba, aitak doterik emon ez arren bilatuko dau senarra.

Astelehenean ezkondu eta, martitzenean basora, eguaztenean orbela batu, eguenean etxera. Bariekuan bendeja prestau zapatuan be plazara, domekan bere apaindu eta hamarretako mezara.

MATXALEN KARDU (***)

Matxalen Karduk asto ganean Bilbora bostehun arrautze daroazala, Erletzetako mutil koskorak dirautse:

–Matxalen Kardu, Matxalen Kardu, zer daroazu astoan?
–Zera jaroat... asto-korotzak zuek joteko lepoan.

“Añaniñoen atso sorgina” esanda, danak harrika, hartzen deutsoe asto zahar hori aurretik arin-arinka.

Halako baten zapalduten dau kurebioen etxea. Honeek hasarrez lau aldeetatik astoari heltzen deutsie.

Ene mutilak! Zer zoan hango putz, arrantza ta dantzea! Agur Matxalen, zure astoa... ta arrautzak Bilbon saltzea!



BAT MATXIN PARRAT (*)

Bat: Matxin Parrat.
Bi: Mitxel Eperdi.
Hiru: kolko bete diru.
Lau: iko melau!
Bost: koxkotean koxt.
Sei: korta bete behi.
Zazpi: buru bete bazpi.
Zortzi: katilu bete zorri.
Bederatzi: katuaren narrua eratzi.
Hamar: mar-mar.

MARTINTXUNEKO SALAN (***)

Martintxuneko salan brotxearen labana, txirrist eginda jausi da, txirrist eginda jausi da Martintxu laztana.

Martintxu dagoanean bularko minagaz amatxu joango jako, amatxu juango jako txokolateagaz.

Txokolate fin horrek erdian hondarra, haretzek sendauko dau, haretzek sendauko dau Martintxuren bularra.



ANDRAKILA MARDO (*)

Andrakila mardo txorta luzea, begi ederrekin ondo jantzia. Dringilin-drangoan ibiliko dogu aitak eta amak ni ibiltzen naberen moduan.



PONPIXOLA (**)

Ponpiola ta ponpiola txepetak antzarra jan dauela, txepetak antzarra jan badau tripa zitela bete dau. Tan parran tai... ton.

Ponpiola ta ponpiola antxoak balea jan dauela, antxoak balea jan badau tripa zitela bete dau. Tan parran tai... ton.

Ponpiola ta ponpiola euliak txepetxa jan dauela, euliak txepetxa jan badau tripa zitela bete dau. Tan parran tai... ton.

DINGILIN DANGO ETA (*)

Dingilin dango eta ez naz ni zoroa Santa Katalinako dendari koxoa. Sakuan sartu daure sakuan zuloa, handixik ageri dau kadera koxoa.

Oiloa faltau jako Marimondongori, seinale onak ditū agertu baledi: buztana mardo-mardo, paparra beilegi, haren arrautzetxuak bolea dirudi.

BELA BELA JAUNA (*)

–Bela bela jauna aita non da jauna?
–Aita soloetan
–Soloetan zer egiten?
–Artoak ereiten.
–Artoa zertako?
–Oiloarentzako.
–Oiloa zer egiteko?
–Arrautzea egiteko.
–Arrautzea zertako?
–Abadearentzako.
–Abadea zertako?
–Mezea emoteko.
–Mezea zertako?
–Aingerutxu biren erdian zerura joateko.



AITITE MUKUERRETAKO (*)

Aitita Mukuerretako pipazalea, pipak erre deuntsola surtaren puntea.

Amoma koitadea kortatik negarrez, katuak eron deuntsola taloa dandarrez.

DAMEA DAMEA (**)

Damea damea bularretan zer egiten egon zara ordu haretan? Zeruko izarrek kontetan. Zenbat dira izarrok?
Bat eta bi ta hiru ta lau, bost eta sei ta zazpi ta lau.

Sasiolako komentopetik hamalau frailek urten dau... Fraile manga-tximurra antxina izan neutsan bildurra.